



Republika e Kosovës
Republika Kosova - Republic of Kosovo
Qeveria - Vlada - Government

Nr. 01/257
Datë: 14.04.2025

Në mbështetje të nenit 92, paragrafi 4, dhe të nenit 93, paragrafi 4, të Kushtetutës së Republikës së Kosovës, nenit 8 të Ligjit Nr. 08/L-117 për Qeverinë e Republikës së Kosovës, nenit 16, paragrafi 4.b. të Ligjit Nr. 04/L-054 për Statusin dhe të Drejtat e Dëshmorëve, Invalidëve, Veteranëve, Pjesëtarëve të Ushtrisë Çlirimtare të Kosovës, Viktimave Civile dhe Familjeve të tyre, i ndryshuar dhe i plotësuar me Ligjin Nr. 04/L-172, dhe me Ligjin Nr. 08/L-219, duke u bazuar në nenin 8 të Ligjit Nr. 08/L-117, në pajtim me nenin 65 dhe 78 të Rregullores Nr. 17/2024 të Punës së Qeverisë së Republikës së Kosovës, Qeveria në detyrë e Republikës së Kosovës, në mbledhjen e mbajtur më 14 prill 2025, merr këtë:

V E N D I M

1. Ndryshohet dhe plotësohet Vendimi i Qeverisë Nr. 06/143 i datës 28 prill 2017, i ndryshuar dhe i plotësuar me Vendimin e Qeverisë Nr. 16/48, të datës 7 dhjetor 2020, me Vendimin e Qeverisë Nr. 02/54, të datës 12 janar 2022, dhe me Vendimin e Qeverisë Nr. 04/70 të datës 21 prill 2022.
2. Pika 2. e Vendimit të cekur më lart zëvendësohet si në vijim:

"Mandati i Komisionit Qeveritar për Njohjen dhe Verifikimin e Statusit të Personave të Dhunuar gjatë Luftës Çlirimtare të Kosovës, është deri më 15 maj 2028".
3. Pas pikës 2. të Vendimit të cekur më lart shtohet pika 2.a. me tekstin si në vijim:

"2.a. Afati për të parashtruar kërkesë për njohjen e statusit të viktimës së dhunës seksuale gjatë luftës, zgjatet deri më 15 maj 2027".
4. Pika 1.6 e Vendimit të Qeverisë Nr. 16/48, të datës 7 dhjetor 2020, zëvendësohet me këtë tekst: znj. Kimete Haxholli, Udhëheqëse e Divizionit për Përpunim dhe Arkivim në IKKL, anëtare.
5. Obligohet Ministria e Financave, Punës dhe Transfereve, dhe të gjitha institucionet e tjera që janë të përfshira sipas legjislacionit, për zbatim të këtij Vendimi.

6. Vendimi hyn në fuqi ditën e publikimit në Gazetën Zyrtare të Republikës së Kosovës.

Albin KURTI



Kryeministër në detyrë i Republikës së Kosovës

Iu dërgohet:

- Zëvendëskryeministrave
- Të gjitha ministrive (ministrave)
- Sekretarit të Përgjithshëm të ZKM-së
- Arkivit të Qeverisë